



International Council on
Monuments and Sites
Conseil International
des Monuments et des Sites

ԻԿՕՄՕՍ/Հայաստան

0010 Երևան, Հանրապետության փող. 32

հեռ.՝ 010 52-35-01

էլ-փոստ: icomos_armenia@mail.ru

ՀՀ Մշակույթի նախարար

Տկն Հ.Պողոսյանին


ԻԿՕՄՕՍ/Հայաստանի հ/կ նախագահ

Գ.Գյուրջյանից


Դիմում

Համաձայն ՀՀ Մշակույթի նախարարության 22.04.2016թ. հայտարարության՝ ՀՀ Մշակույթի նախարարին կից հասարակական խորհրդի կազմում ընդգրկվելու մասին, ԻԿՕՄՕՍ/Հայաստանի հասարակական կազմակերպությունը դիմում է վերջինիս կազմում ընդգրկվելու համար: Կազմակերպության գործունեության բնույթը համընկնում է Նախարարության գործունեության հիմնական ուղղություններին և մասնակցությունը կարող է նպաստել խորհրդի առջև դրված խնդիրների և նպատակների իրագործմանը: Խնդրում եմ քննարկել և ընթացք տալ ներկայացվող դիմումին:

Կից ներկայացնում եմ ԻԿՕՄՕՍ/Հայաստանի կազմակերպության մասին տեղեկատվություն:

Դիմող /  / ԻԿՕՄՕՍ/Հայաստանի հ/կ նախագահ՝ Գ. Գյուրջյան

03.05.2016թ.



ՏԵՂԵԿԱՆՔ

ԻԿՕՄՕՍ/Հայաստան հասարակական կազմակերպության վերաբերյալ

1965թ. Վարչավայում ստեղծված Հուշարձանների և տեսարժան վայրերի միջազգային խորհուրդը՝ ԻԿՕՄՕՍ-ը միջազգային ոչ-կառավարական միակ կազմակերպությունն է, որը ողջ աշխարհում գործունեություն է իրականացնում մշակութային ժառանգության մաս կազմող հուշարձանների, դրանց համալիրների և տեսարժան վայրերի պահպանության և պաշտպանության բնագավառում:

ԻԿՕՄՕՍ/Հայաստանը միջազգային ԻԿՕՄՕՍ-ի Հայաստանի ազգային կոմիտեն է: Այն ստեղծվել է 2002թ. հունվարին և արդեն 12 տարի մասնագիտական աշխատանք է իրականացնում ոչ միայն Հայաստանի Հանրապետության, այլ նաև նրա սահմաններից դուրս գտնվող հայկական ժառանգության պահպանության և հանրահռչակման բնագավառում՝ իր գործունեության առանցքում դնելով միջազգային առաջատար փորձը, օրենսդրական գործիքները և մեթոդոլոգիան: ԻԿՕՄՕՍ/Հայաստանն ունի 69 անհատական անդամներ, որից 9-ը մինչև 30 տարեկան երիտասարդ պրոֆեսիոնալներ են:

ԻԿՕՄՕՍ/Հայաստանի ջանքերով 2003 թվականից Հայաստանում հատուկ միջոցառումներով և նախաձեռնություններով նշվում է Հուշարձանների և տեսարժան վայրերի միջազգային օրը՝ ապրիլի 18-ը:

ԻԿՕՄՕՍ/Հայաստանը մասնակցել է ԻԿՕՄՕՍ-ի գերագույն մարմնի՝ ԻԿՕՄՕՍ-ի 13, 15, 16, 17-րդ Գլխավոր ասամբլեաների աշխատանքներին՝ համապատասխանաբար 2002 /Մադրիդ, Իսպանիա/, 2005 /Սիան, Չինաստան/, 2008 /Քվեբեկ, Կանադա/ և 2011 /Փարիզ, Ֆրանսիա/, 2014 /Ֆլորենցիա, Իտալիա/ թվականներին: Գլխավոր ասամբլեաներին, որոնք համարվում են ժառանգության պրոֆեսիոնալների ամենամեծ ֆորումները, ԻԿՕՄՕՍ/Հայաստանի կողմից ներկայացվել և ընդունվել են 4 բանաձևեր:

- ✓ Վանա լճի Աղթամարի Սբ Խաչ եկեղեցու վերականգնմանը հայ մասնագետների մասնակցության վերաբերյալ /2005թ., Սիան/
- ✓ Սահմաններից դուրս գտնվող ժառանգությունների վերաբերյալ /2005թ., Սիան/
- ✓ Ջուդայի պատմական գերեզմանատան ավերման վերաբերյալ /2008թ., Քվեբեկ/
- ✓ Անիի Մայր տաճարի և Ամենափրկիչ եկեղեցու վերականգնողական աշխատանքներին հայ մասնագետների մասնակցության վերաբերյալ /2011թ., Փարիզ/:

ԻԿՕՄՕՍ/Հայաստանի կողմից համակարգվել և ապահովվել է միջազգային ԻԿՕՄՕՍ-ի կողմից 2 տարին մեկ պարբերականությամբ տպագրվող «Վտանգված ժառանգություն» տարեգրքում հայկական ժառանգության վտանգված օբյեկտների գետեղումը:

ԻԿՕՍՕՍ/Հայաստանի կողմից ՀՀ Պատմության և մշակույթի հուշարձանների պահպանության վարչության և ՀՀ Մշակույթի նախարարության հետ համատեղ կազմակերպվել են 2 կարևոր միջազգային գիտաժողովներ, որոնց բոլոր գեկուցումները հրատարակվել են առանձին գրքով.

- ✓ «Ավերակ հուշարձանների կոնսերվացման և պահպանության խնդիրները» 2002թ. հոկտեմբեր, Երևան-Բյուրական
- ✓ «Հայկական մշակութային ժառանգության պահպանությունը Հայաստանի Հանրապետությունում և արտերկրում», 2008թ. դեկտեմբեր, Երևան-Օշական


ԻԿՕՍՕՍ/Հայաստանի անդամները պարբերաբար ստանում են «ԻԿՕՍՕՍ ԼՐԱՏՈՒ» էլեկտրոնային ամսագիրը և տեղեկացվում պահպանության բնագավառի միջազգային հաջողված փորձին:

2012-2014թթ ԻԿՕՍՕՍ/Հայաստանը մասնակցել է ԵՄ Արևելյան գործընկերության ՄՇԱԿՈՒՅԹ ծրագրով Վրաստանում, Ուկրաինայում և Հայաստանում ընթացող «Տարածաշրջանային համագործակցություն հանուն մշակութային ժառանգության զարգացման» նախագծին, որի շրջանակում կազմակերպել է 18 գիտագործնական սեմինարներ դպրոցականների, դպրոցների ուսուցիչների և տեղական ինքնակառավարման մարմինների ներկայացուցիչների համար: Նախագծի շրջանակում նախապատրաստվել է և 2014թ. տպագրվել «Պահպանություն հանուն ապագայի» խորագիրը կրող ձեռնարկը՝ հասցեագրված հանրակրթական դպրոցների ուսուցիչներին:

ԻԿՕՍՕՍ/Հայաստանը տեղական համագործակցություն է իրականացնում տարբեր երկրներում գործող ԻԿՕՍՕՍ-ի ազգային կոմիտեների հետ:

2016թ. փետրվարից ԻԿՕՍՕՍ/Հայաստանն իր գործունեությունն իրականացնում է Հանրապետության 32 հասցեում գտնվող գրասենյակում:

«ԻԿՕՍՕՍ/Հայաստան» հ/կ նախագահ՝



Գ. ԳՅՈՒՐԶՅԱՆ